

**INYENE KE IŊWAŊ, NSQŊ-URUA ITIAT (PEARL) EKE OKPONDE EKQM-URUA,
IYIRE-IYAK
Matthew 13:44-52
QYQHQ UKPEP-ŊKPQ 78**

Eke Mkp̄arawa

IKQ IBUOT: “Mbufo ekabare esit; koro Ubq̄n Heaven ke ekpere” (Matthew 3:2).

Itq̄n Inyene

Ndiyom ndibe nk̄p̄o-uto edi ubq̄k-utom q̄nq̄ mme andisaña nyom ke kpukpru emana; ndien idiq̄k-udq̄n ke ndiyom mme inyene ye mbufa iŋwaŋ gold ama anam ediwak esin mme iman ye mme ufan mmq̄, eda ufq̄k mmq̄ enim ubiq̄n, eyak kpukpru se mmq̄ enyenede, enyuŋ ekut akamba mfina ke ntak mmq̄ ndinyene ofuri idorenyin ke ndinyene uforo ke ererimbot emi. Ediwak mme owo emi ema esobo ye ntak-urua inyuŋ ikwe nte ndap mmq̄ osude; edi nso utq̄ mkpa-idem ye idara okodu ke otu mme owo emi ekecutde mme inyene emi mmq̄ ekeyakde ekikere mmq̄ esin, enyuŋ edq̄kde mme nk̄p̄o-uto, emi akadade akwa uforo q̄sq̄k mmq̄!

Inyene Eke Okponde Akan

Jesus akada Obio-ubq̄n Heaven okodomo ye inyene eke odibede ke iŋwaŋ. Ke ini owo okokutde enye, enye akanyam kpukpru se enye ekenyenede man oto do enye ekpekeme ndidep iŋwaŋ oro nnyuŋ nk̄op inem ke mme inyene emi odude ke isq̄n iŋwaŋ oro. Inyene oro edi Jesus ye Eti-mbuk Esie, kpa akpanikq̄ emi odibede ke Ikq̄ Abasi. Anam-idiq̄k ikemeke ndifiq̄k mme idara emi odude ke erinyaña ukp̄q̄n; ke enyin oruk owo emi, mme ndibe inyene ke Ikq̄ Abasi odibe enye. Owo obukidem ikemeke ndikop inem emi odude ke usuŋ edisana-ido, edi ke ini owo ke idak edinam akpanikq̄ oyomde akpanikq̄, enye okut akpanikq̄ emi ke ikq̄ Abasi. Ke ata usq̄p-usq̄p, enye q̄kp̄q̄n kpukpru nk̄p̄o ererimbot man enyene inyene oro; ndien idaresit esie okpon didie ke ini idara erinyaña ukp̄q̄n odukde ke ata esit esie!

Q̄bq̄n ama etiŋ ikq̄ ebe ke Solomon, enye emi ekenyenede ifiq̄k akan: “Eyen mi, afo ama q̄bq̄ ikq̄ mi, onyuŋ onim mbet mi ke idem fo; ... Ama ofiori okot asian, emenere uyo fo q̄nq̄ mbufiq̄k; Ama oyom enye nte silver, onyuŋ q̄duŋq̄re enye nte nk̄p̄o-uto eke edibede; Ndien afo eyetim q̄fiq̄k uteŋe Jehovah onyuŋ osime ifiq̄k Abasi” (Mme Ŋke 2:1-5).

Ndusuk owo ekut ete ke okuk ikp̄q̄n ikemeke ndinam mmq̄ ekop inemesit, edi mmq̄ ekere ete ke ifiq̄k-ŋwed, edisaña ŋka mme ebiet, ndinyene nk̄p̄o mkpeme idem, ye ediduk nduk ye ererimbot ekeme ndinam esit mmq̄ enyene uyuhq̄; edi ifiq̄k eke ererimbot, edibq̄hq̄ udq̄n ye ndik, nk̄p̄o emi mme owo ekotde “mme nk̄p̄o emi efq̄nde ke uwem ekan”; kpukpru emi iwq̄r̄q̄ke nk̄p̄o ke Jesus miduhe. Ke Enye “emi ofuri inyene q̄niq̄n ye ifiq̄k edibede Enye ke idem” (Ŋwed Mbon Colossae 2:3).

Ekqm-urua Ŋkp̄o-uto

Ndiduŋq̄re nyom nsq̄n-urua nk̄p̄o-uto edi ubq̄k-utom efen emi atapde esit ediwak owo ke ofuri una-isq̄n ye inyaŋ. Nte nk̄p̄o emi akade iso anana, ntre ke ekqm-urua esie akaka iso okpon. Ekpe mme tq̄sin dollar ikie, ke nditim ntiŋ, ye million dollar ke ibuot diamond kiet, emi ke itim isede, ikemeke ndida anyan inemesit nnq̄ andinyene. Ke ini enye otim q̄fiq̄kde nk̄p̄o akan ke utom oro okopde nk̄p̄o abaña saña-saña nk̄p̄o-uto enye q̄kp̄q̄bq̄ enyene edieke enye ekpenyenede okuk ndikpe ke ibuot esie, enye ebiet owo emi Jesus eketiŋde abaña emi okokopde nk̄p̄o abaña ata q̄sq̄n-urua itiat, ndien anyam mme ŋsq̄n-urua itiat emi enye ekenyenede man oto do enye aka ekedep enye emi q̄sq̄nde urua akan.

Jesus, Ŋkp̄o-uto Nnyin

Jesus ada se ikotibere mi okodomo ye se ikedade itie ke ini eyararede akpanikq̄ emi odude ke Eti-mbuk enq̄ owo. Enye aŋwana ke ofuri ukeme esie ndinyene mme ndq̄n-esit ye inem nk̄p̄o uwem emi, edi enye ikopke uyuhq̄ ibq̄hq̄ke enye enyene Christ nte Andinyaña emi ekedide man afak enye. Jesus edi akakan utip nnyin. Jesus akakpa man anyaña mmq̄ emi etakde onyuŋ anam mmq̄ edu ke mbeŋe-idem ebaña obio Heaven. Enye edi ata nsq̄n-urua, “Koro enyiŋ baba kiet efen inyuŋ iduhe eke enq̄de ke otu owo ke idak ikpa-enyq̄n, eke enyenede ndida nnyaña nnyin” (Utom Mme Apostle 4:12). Enye idighe q̄sq̄n-urua nk̄p̄o-uto efen, edi Enye edi nk̄kure Kiet emi enyenede ekqm-urua emi okponde. Edieke nnyin mibatke ekqm-urua Esie ke akpan nk̄p̄o, edieke nnyin miyakke kpukpru se nnyin inyenede inq̄ Enye, nnyin idikemeke ndika Heaven.

Paul, isuŋ-utom ama q̄fiq̄k ete ke uwem oto Jesus ikp̄q̄n, ŋko enye edi owo kiet emi akanyamde kpukpru se enye ekenyenede man enyene Enye. Enye ama q̄dq̄hq̄ ete, “Ke akpanikq̄ mbat kpukpru nk̄p̄o ke ntak urua, man mbq̄ akan ifiq̄k Christ Jesus Q̄bq̄n mi: Emi nk̄yakde kpukpru nk̄p̄o atak kabaña enye, mmonyuŋ nsin mmq̄ ke mbio, man mbq̄ Christ nda nnyene” (Ŋwed Mbon Philippi 3:8).

Edi Ọsọ̀n-urua Ọnọ Mme Andinim Ke Akpanikọ

Anie owo okut ete ke Jesus edi ọsọ̀n-urua? “Enye ọsọ̀n-urua ke enyin mbufo emi ebuọtde idem ye Enye; edi ama edi mmọ emi mibuọtke idem ye Enye, Itiat emi mme ọbọp-ufọk ekesinde amakabare edi Etubom inuk” (1 Peter 2:7).

Nnyin ikeme didie “ndidep” Jesus? Nnyin ikemeke ndidep erinyaña nnyin ke okuk. Isaiah ama ofiori ete, “Ho, mbufo kpukpru emi itọn asatde, edi ke mmọn! ye owo eke minyeneke okuk! Mbufo edi edep enyuñ edia! enyuñ edi edep wine ye mmọn-eba, idighe ke okuk, inyuñ idighe ke ekọm-urua” (Isaiah 55:1). Enye akada Eti-mbuk okodomo ye udia ye eriñwọn-ńkpọ, mme ńkpọ emi enọde nnyin uwem: akañwana ndiwut nte ke nnyin imekeme ndinyene mme ńkpọ Spirit ke ini nnyin mikpehe okuk.

Edisin Kpukpru

Ndien nso ke eyom eto nnyin? Nnyin imekeme “ndidep” mme ńkpọ Heaven ke edisin mme idiọk-ńkpọ nnyin, ke ediyak ńkpọ ekededi emi akpanamde ikpọn ndidu uwem nno Jesus nnyuñ nnam ńkpọ nno Enye ke ofuri esit nnyin. Peter ama ọdọhọ Jesus ete ke imọ ye mbet eken ima iyak kpukpru ńkpọ man itiene Enye, ndien Jesus ọbọrọ ete, “Ke akpanikọ ke ndọhọ mbufo, baba owo kiet iduhe, emi ọkọkpọnde ufọk, mme nwan, mme nditọ-eka, mme ete, mme eka, mme nditọ, kabaña Obio Ubọn Abasi, emi midibọhọ se iwakde ikan oro ke emi, ye nsinsi uwem ke eyo eke edidide” (Luke 18:29, 30). Ke ini efen Ọbọn ama etiñ ọnọ mme owo ete, “Kpa ntre ke owo mbufo ekededi, eke misanake kpukpru se enye enyenede iyak, ikemeke ndidi mbet Mi” (Luke 14:33).

Nnyin imesiwak nditiñ mbaña edikpe ekọm-urua Eti-mbuk. Ekọm-urua emi edi ediyak uduak nnyin ofuri-ofuri nno Jesus, man oto do Enye ekeme ndidọn nnyin inam ńkpọ kiet ekededi emi Enye oyomde nnyin inam, ndien nnyin iyenam.

Iyire Iyak

Jesus ama etiñ nke efen emi abañade Obio-ubọn Heaven. Enye ada Obio-ubọn Heaven okodomo ye iyire emi eduokde ke inyañ, ndien ke ini eduride enye edi ema ekut kpukpru oruk iyak ke esit, nti ye idiọk. Edi ọkọ-iyak ikoyomke mme iyak emi mifonke se etade, ke ntre enye ama abahare mmọ osioño ke otu nti iyak onyuñ ọduọño mmọ.

Nti ye ndiọi owo kpukpru enyene ndiduñ ọtọ kiet ke emi, edi ke ini Jesus edifiakde idi ke ererimbot emi, Enye eyetañ mmọ emi enyenede Enye edidu ye Enye, edi eyeduọño mme idiọk owo ke nsinsi ikañ, ebiet emi akwa ndutuhọ edidude emi mme owo edikunide enyuñ etade edet mmọ. Owo ndomo kiet ikpanaha aka utọ enyene-ndik ebiet oro. Kpukpru nnyin kiet-kiet imekeme ndidu ke otu nti iyak emi Jesus amade, edieke nnyin imade Enye nte ekemde inyuñ idude uwem nte Enye oyomde nnyin idu.

Mbufa Ye Ẹkani Ẹkpọ-uto

Jesus ama obup mbet Esie ete me mmọ efiok mme nke emi Enye eketiñde ọnọ mmọ. Mmọ ebọrọ ete, “Edi ntre Ọbọn.” Emi ekedi mme akpanikọ emi Jesus akayararede ọnọ ikọt Esie, nko Enye ama oyom mmọ etiñ enọ mbio efen ebaña mmọ. Mme ewet-ñwed (Scribe) ekedi mmọ emi ekekemedede ndikot Ikọ Abasi nnyuñ nnam añwaña. Jesus okoyom mbet Esie edi mme ewet-ñwed emi obufa ediomu emi Enye ọkọkworọde akañwañade mmọ, man ekpenam añwaña mbio efen. Baba ńkpọ kiet isọnke urua nte Eti-mbuk.

Ata anditiene-Christ odu ke inemesit ke nditiñ mbaña mme ńkpọ emi Jesus anamde ọnọ enye. Ndusuk ekenyaña enye ke ediwak isua emi ekebede, emi osuk adada edidiọn ọsọk enye ke nditiñ mbaña ikot Spirit emi okokotde enye nditiene Ọbọn. Esit esie enyene ndidemere ke ini enye ekerede abaña mme utibe usuñ emi ekedade enye usuñ, ndusuk ke ebiet emi enye ekekemedede ndikop mbuk mbaña mfon erinyaña. Oro edi “akani inyene.” Edi idighe tutu anditiene-Christ esese ediwak isua ke edem ndien enye okut ufon Eti-mbuk ke uwem esie. Kpukpru usen enye okokut mbufa inyene; Abasi ndidu ye enye kpukpru usen aka iso edemere odudu esie onyuñ ọnọnọ enye obufa idara, ndien enye oyom ererimbot efiok ebaña emi.

MME MBUME

1. Anie edi ndibe inyene nnyin?
2. Nso ke owo emi okokutde nsọn-urua itiat emi okponde ekọm-urua akanam?
3. Nso ke inyene ndinam man enyaña nnyin inyuñ inyene Jesus ke esit nnyin?
4. Jesus akada eti ye idiọk iyak emi okodude ke iyire odomo ye mme anie?
5. Mmọ edidu ọtọ kiet ibighi adaña didie?
6. Nso idi mbufa ye ẹkani inyene nnyin?